

... أحلي رمضان ...

- ♥ حدد هدفك ٥
- ♥ طعم ثاني ١٣
- ♥ العناية المُرَكَّزة ٢٢
- ♥ وقتك حياتك ٢٤
- ♥ برنامجك في رمضان ٢٥
- ♥ التأمين علي رمضان ٢٨
- ♥ غير فيك إيه ٢٩
- ♥ الخطوط الحمراء ٣١

جمع وإعداد

د/ محمد العجوز

دار الريادة

للنشر والتوزيع

٠١١٢٧٩٦٣٧٧٦

٠١٢٢٧٢٢٠١٦٣

هتصلي بشكل جديد .. هتصوم بس بشكل جديد ..
هتصلي تراويح و قيام ليل .. بس بشكل جديد
عايزك تغيّر فكرتك عن رمضان إنه شهر كده
و خلاص !! .. أو الناس كلها بتصلي تراويح فأنا
هصلي تراويح ..
لأيا جماعة .. رمضان أهم من كده بكتير
أحنا عايزين نعيش

أحلي رمضان

رمضان



بسم الله والصلاة والسلام على رسول الله وبعد؛ -
كل سنة وأنتم طيبين .. رمضان رجع ثاني -
وطبعا كلنا مشتاقين ليه بجد .. وكلنا بنحب رمضان
بس في نقطة مهمة .. إن الناس كل واحد فيهم
بيعيش رمضان بطريقة .. وبيحبه بطريقة !!

👉 تقصد أيه يعني ؟؟

ل فيه واحد يقولك والله شهر رمضان ده شهر
جميل ، شهر الناس كلها بتعبد فيه ربنا والمساجد
مفتوحة ... وما شاء الله الجو جميل ...
ل واحد تاني يقولك : بصراحة رمضان شهر جميل
وشهر حلو خالص .. ليه يا سيدي ؟؟ .. يقولك
رمضان بيجي فيه شوية مسلسلات إنما إيه !!
ل واحد ثالث يقولك : بصراحة الكنافة والقطايف
.. مش بتحلى غير في شهر رمضان !!!
👉 كالعادة يا جماعة : رمضان يدخل .. وينتهي
وناس كتير (زى ما هي) مفيش أى تغيير حصل !!

👉 عشان كده .. أنا في الكتيب ده ..

✓ عايزك تعيش رمضان .. بس عايزك تعيش
بشكل جديد .. عايزك تصلي في رمضان .. بس

﴿ هتقوم الليل قد إيه عشان ترضي ربنا ؟؟ ﴾
 يا ترى هتسبب العلاقة بينك وبين البنات أو
 البنت اللي أنت بتكلمها في التليفون عشان ربنا ؟؟
ولاً البنات والإختلاط هبيقوا أغلى عندك من ربنا !!
 يا ترى يا أختي هتغيري البدى والبنطلون واللبس
 اللي بيجسم والجزمة اللي مبيّنة نص رجلكي ..
هتسيبها لله؟؟ .. ولا حُب الظهور والخوف من كلام
الناس هيبقى رضاهم أهم من رضا ربنا ؟!!
رضاهم ربنا .. إنك تعيش لله .. كل خطوة وكل كلمة
 وكل حركة وإبتساماتك كل حاجة في حياتك هدفك
 فيها رضا الله سبحانه وتعالى ..

﴿ قال الله تعالى " قُلْ إِنْ صَلَاتِي وَنُسُكِي وَمَحْيَايَ

وَمَمَاتِي لِلَّهِ رَبِّ الْعَالَمِينَ ﴿٣١﴾ " سورة الأنعام



حدد هدفك

﴿ عايزك تحدد هدفك ، أو بمعنى أصح .. أنت عايز
 تخرج من رمضان بيايه ..؟؟ ﴾

﴿ **خد بالك :** أوقات كثير بيبقى نفسك تعمل الشئ
 الفلاني والطاعة الفلانية .. وتبقى إنسان تانى ..
 ولكن للإسف مش بتقدر .. لكن بفضل الله في
 رمضان هيبقى بداية الإنطلاق ؛ عشان كده أنا
 حددت لك بعض الأهداف اللي عايزين نوصلها ..



﴿ **وَعَجِلْتُ إِلَيْكَ رَبِّ لِتَرْضَى** ﴾

﴿ انا عايز رضاك يا رب .. ده لازم بيبقى شعارك
 وهدفك مش في رمضان بس!! ولكن طول حياتك ؛
 .. وهنا سؤال ..

﴿ **يا ترى هنعلم إيه عشان ربنا يرضى عنه؟؟!!** ﴾

﴿ أنت فعلاً عايز ربنا يرضى عنك ؟؟!! .. ولا
 ده كلام وخلص ؟! ..

هتشتري الجنة إمتى؟؟

﴿ أو عى تضيع الجنة في وقت ربنا سبحانه وتعالى
 فتح ليك أبواب الجنة الثمانية !! ﴾
 ﴿ عايزك لا تترك باب من أبواب الجنة إلا وتشتغل
 فيه ؛ عايزك تعيش رمضان بجدية .. ﴾
قال يحيى بن معاذ : في طلب الدنيا ذل النفوس)
 يعني المذلة) ؛ وفي طلب الآخرة عز النفوس ؛ فيا
 عجباً لمن يختار المذلة في طلب ما يقنى)
 ينتهى) ويترك العز في طلب ما يبقى !!

﴿ **رمضان وعنت رقبتى من النار ..** ﴾

﴿ نفسك ربنا بيعد عنك النار ؟؟ أكيد نفسك ..
 ﴿ طب عملت إيه عشان تبعد عنها ؟؟ ﴾
خد بالك .. فرصتك الحقيقية للعنق من النار هي
 رمضان

﴿ **قال رسول الله ﷺ :-** إن لله تبارك وتعالى عتقاء
 في كل ليلة - يعنى في رمضان ... " صححه الالبانى
 ﴿ أو عى تستقل بكلمة (عتقاء) عارف ليه ؟؟ أنت لو
 عرفت يعنى إيه نار؟؟ يعنى إيه حرق؟؟ يعنى إيه

لن يسبقنى إلى الجنة أحد ..

﴿ إحنا لما بنسمع إن فى شقة فخمة وفى مكان متميز
 ... بنقطع نفسنا عشان يبقى عندنا شقة وممكن الواحد
 يشتغل فترة واتنين عشان يقدر يجيب ثمنها .. دااااا كله
 عشان شقة !!

﴿ **هتتعبد قد إيه عشان تشتري الجنة ؟** ﴾

﴿ الجنة اللي ربنا قال عنها فى الحديث " أعددت
 لعبادى الصالحين ما لا عين رأت ولا أذن سمعت ولا
 خطر على قلب بشر" ﴾

﴿ **الكلام ده معناه :** ﴾

﴿ أجمل حاجة شفتها الجنة أحلى .

﴿ أجمل حاجة سمعتها الجنة أحلى .

﴿ أجمل حاجة ممكن تخطر على بالك الجنة أحلى

﴿ **تشتري بكام؟؟ الجنة اللي النبى ﷺ قال عنها "**

ألا إن سلعة الله غالية ألا إن سلعة الله: الجنة .. صححه
 الألبانى

﴿ **ياللى بتاكل الربا ؛ يا اللي بتاخذ الرشاوى؛ يا**
 كل واحد مصدر رزقة من حرام؛ ياللى مقاطع أهلك

هسيب ده كله ليك يا رب طلباً للعنق من النار، وربنا هيعين .. اللي بيطلب منة بصدق
كعمل طاعات ونجتهد فيها ونبذل من فلوسنا ووقتنا لله سبحانه وتعالى ونطعم فقراء وصائمين .. الخ

④ الحرص على المغفرة ..

كبانك تبدأ صفحة جديدة مع الله .. إنك تتدم على فعل المعصية ومتقولش دي معصية صغيرة .. إنك تعقد العزم إنك تكون إنسان جديد .. ملتزم بجد !!
قال رسول الله ﷺ: " من صام رمضان إيماناً واحتساباً غُفر له ما تقدم من ذنبه " متفق عليه
يا نرى هنعمل إيه عشان ننال المغفرة؟؟

⑤ إنك تذوق طعم حب الله ..

♥ وده من أهم الأهداف اللي أنا عايزك تخرج بيها من رمضان بإذن الله ..
♥ رمضان فرصتك الحقيقية عشان ربنا يحبك وأنت تحب ربنا ..
♥ أحد السلف يقول " من عرف الله أحبه ومن أحب

♥ لو حبيت ربنا بجد .. هتشكيله همومك وأحزانك وعمرك ما هتسبب كلمة يا رب ..
♥ ولو ربنا أحبه؟؟!!

يقول الله عز وجل في الحديث القدسي: " فإذا أحببته كنت سمعه الذي يسمع به وبصره الذي يبصر به ويده التي يبطش بها ولئن سألتني ل أعطيته ولئن استعاذني لأعفيته " روه البخاري
♥ لو أحبك .. عينك مش هتتظر إلا لما يرضيه؛ ودانك مش هتسمع إلا ما يُرضيه؛ يعني ربك حافظ جوارحك
♥ لو أحبك .. هيحفظك وهيرعاك وهيصطفيك ..
♥ لو احبك .. سيجعل لك الحب والقبول بين الناس ..
يا نرى نفسك ربنا يحبك؟؟

♥ هتعمل إيه عشان ربنا يحبك؟؟ ارجع لكتاب لي أسمه " بحر الحب " هيفدك جداً في هذا الموضوع
خلي الأهداف ديه دائماً قدام عينيك لأن رمضان سوق (ربيع فيه من ربيع وخسر فيه من خسر)
شوف نفسك عايز تكسب ولا تخسر؟؟

كوي؟؟ - والله مش هيبقى على لسانك وقلبك وعقلك غير " يا رب أصرف عنا عذاب جهنم .. يا رب نجتاً من النار

أنا عايزك بعد قراءة الكُتيب، لو مش هتقدر تروح مستشفى الحروق زيارة ، ممكن تجيب صور من على النت .. حرق من الدرجة الثالثة

كساعتها يا أختي .. هتخافي على حجابك جداً .. وهتخافي إن أى حاجة من جسمك تظهر عشان متبقيش من ضمن (كاسيات عاريات) تبقى لابسة ولكن لبس مش بيستر حاجة

كشوية حر في الصيف أهون ولا حر جهنم؟؟
يبقى هدفك هو .. إنه تخلص على عنق ربك من النار في كل ليلة .. عن طريق الآتي :-

كسبب معصية من معاصيك لله .. وتقول يا رب أنا هسيب الأغاني والسجاير والبنات والإختلاط رجاء انك تعتق رقبتى من النار
كتسيبي يا أختي لبس البنطلون واللبس اللي أنتي عارفاه والمكياج والحاجات ديه .. وتقولى يا رب أنا

الله أطاعه ومن أطاع الله أكرمه ومن أكرمه أسكنه في جواره ومن أسكنه في جواره .. فطوباه وطوباه

♥ لو قدّرت نعم ربنا عليك ..
♥ لو عرفت رحمة ربنا بيبك ..
♥ لو حسيت بلطف ربك بيبك ..
♥ لو شعرت بتودد الله إليك ..
♥ لو عرفت بقدرة ربنا عليك ..
♥ لو عرفت بحب ربنا إليك ..
كساعتها .. هتتحب ربنا ..
♥ ولو حبيت ربنا بجد .. الذنب اللي ناس كتير للإسف شافيه صغير، أنت عشان بتحب ربنا .. فالذنب بالنسبة لك كبير ..

♥ لو حبيت ربنا بجد : هتبقى صاحب همة بجد .. وهتبقى حريص على الطاعة والعبادات (من صلاة - وقيام ليل - وقرآن - وصيام - وصدقات - ودعوة)
♥ لو حبيت ربنا بجد هتعامل الناس كويس ومش هتقبل على نفسك لقمة حرام وعمرك ما هتزعل أبوك وأمك ...



③ قراءة قرآن بطعم تانى ..

✍️ لازم تبقى عارف إن القرآن شفاء لأمراض قلبي وقلبك ، وحياة قلبك كمان ..

✍️ **قال الله تعالى** " وَتُؤْتِلُ مِنَ الْقُرْآنِ مَا هُوَ شِفَاءٌ وَرَحْمَةٌ لِّلْمُؤْمِنِينَ " الإسراء ٨٢

✍️ لما تشعر بعظمة الكلام اللي بتقراه لأنه كلام الله سبحانه وتعالى .. هتسبح بطعم القرآن ..

✍️ **المصحف اللي تقرا فيه يكون بمعاني الكلمات على الأقل .. أنصحك بمصحف (التفسير الميسر)** بسيط جداً وجميل جداً .. لما تفهم القرآن وتعيش معاه ده هيفرق معاك كتبيبيير

✍️ القرآن فيه صفات الله على سبيل المثال **الرحمن الرحيم** فلما تستشعر هذه المعاني يحدث في قلبك تعظيم الله

✍️ **قصص القرآن** عشان تبدأ تأخذ الدروس والعبر والعظات وكذلك من قصص الانبياء

✍️ **لما تقرا آيات الجنة** .. عايز تعيش كأنك في الجنة ولما تقرا آيات النار .. تخاف إنك تكون من أهلها ..



⑤ الصدقة بطعم تانى :

✍️ هتشعره لما الفلوس ما تبقاش في قلبك وتبقى عارف إن الفلوس أنت مش جايها بشطرتك؛ ولكن الله عز وجل هو الذي رزقك وأعطاك ..

✍️ **كان ﷺ أجود الناس** ؛ وكان أجود ما يكون في رمضان " البخاري

✍️ فطر الصائمين وأنفق على الدعوة ونشر الخير ، وافتكر **كلام النبي ﷺ** " **اتقوا النار** ولو بشق ثمرة " رمضان مش شهر أكل وشرب عشان نفقد نخلص فلوسنا على الياميش والمكسرات .. !!

* هات يا سيدى .. **ولكن أوعى تنسى الفقراء**



④ الدعاء بطعم تانى ...

✍️ إزاي تسبب الدعاء وخصوصاً في رمضان مع العلم إن ليك خلال ال ٣٠ يوم ٦٠ دعوة مستجابة !!

✍️ **قال رسول الله ﷺ** : " ... ولكل مسلم في كل يوم وليلة دعوة مستجابة .. صححه الألباني

✍️ **يا نرى هنطلب إيه؟؟ يا نرى نفسك ف إيه؟؟**

✍️ **قال رسول الله ﷺ** " للصائم عند فطره دعوة لا تُرد "

✍️ يبقى لازم تغتنم اللحظات دي ؛ وتدعى ربنا وأنت عندك ثقة ، وقلبك حاضر ، وذلل نفسك لله سبحانه وتعالى وافتكر قول الله عز وجل : " وَإِذَا

سَأَلْتَهُ عِبَادِي عَنِّي فَإِنِّي قَرِيبٌ أُجِيبُ دَعْوَةَ الدَّاعِ إِذَا دَعَانِ فَلْيَسْتَجِيبُوا لِي وَلْيُؤْمِنُوا بِي لَعَلَّهُمْ يَرْشُدُونَ " البقرة

✍️ **قدّامك ٦٠ فرصة خلال ٣٠ يوم؛**

سارع باغتنامها



⑥ الصيام بطعم تانى :

✍️ كثير من الناس وهو صائم يبقي قرفان وزهقان والناس مش طايقة بعض .. **عارف ليه؟؟!!** لأنه لو حس بطعم الصيام كان هيبقي في منتهى السعادة ..

✍️ **ويكفيك عشان تتلذذ بالصوم** .. إنك تعرف إن ربنا هو الذي سيجازيك على صيامك وعطشك وتعبك ...

✍️ **قال ﷺ** : " **قال الله عز وجل** : كل عمل أبن آدم له إلا الصوم فإنه لي وأنا أجزي به .. والذي نفس محمد بيده لخلوف فم الصائم (يعني تغير رائحة فمه)

أطيب عند الله من ريح المسك .. " أنا عايزك تبقى ماشي في الشارع أو في شغلك والجو حرجداً .. تقول يا رب .. صُمت عشانك يارب

فلا تحرمنى الأجر .. وقنى عطش يوم القيامة ..

✍️ **وفي الحديث** " .. إن الله تبارك وتعالى قضى

على نفسه أنه من أعطش نفسه له في يوم صائف

سقاها الله يوم العطش ... صححه الألباني

✍️ مش عايزك تصوم عن الأكل والشرب فقط ولكن عايزك تصوم صيام جوارح .. **يعنى إيه؟؟**

✍️ يعني ما تبقاش صائم وشغال شتيمة في خلق الله



ومعاملاتك سيئة جداً ومقاطع أهلك وبتشهد زور
ومزعل أبوك وأمك منك الخ
يعنى يا أختي متبقيش صايمة.. ولبسك اللي أنتي
لابساه سواء بنظلون أو أى حاجة مجسمة وعمالة
تفتنى فى الرجال والشباب وانتي مش حاسة بخطورة
لبسك .. **واسمنا صايمين لكن لأسف صيام ناقص !!**
قال أحد السلف: إن أهون الصوم ترك الطعام
والشراب " أهون الصوم : يعنى أقل درجة
عائزك تصوم وبتقرأ قرآن وبتذكر الله عز وجل ..
تصوم وبتعامل الناس كويس؛ وبتقضى مصالح
الناس .. تصوم وتنفق علي الفقراء والمساكين وتتبع
جنازة وتزور مريض

عائزك نصوم صح ✓ .. عشان نغير

www.facebook.com/dr.elagouz



" ليلة خير من ألف شهر من حُرْمها فقد حُرْم الخير
كله ؛ ولا يُحرم خيرها إلا محروم .."
**عائزك تضحي عشان تصل لربنا .. أحرص أثناء
إعتكافك في المسجد علي :**
« ختم القرآن أكثر من مرة .. وعيش مع القرآن
وتدبره وافهمه كويس جداً عشان هيفرق معاك كتير
في طريقك لربنا .. أوعي يفوتك الصف الأول واخشع
في صلاتك .. اجعل لك وقت تقعد فيه مع نفسك
تدعوا فيه ربك وتطلب منه ما تريد .. ساعد القائمين
علي المعتكف في تجهيز الأكل و ما بعد الأكل .. لا
تضيع ثانية من وقتك إلا وأنت تذكر فيها ربك .. لا
تنام بعد صلاة الفجر عشان تفوز بأجر حجة وعمره
.. أكلك يبقي خفيف عشان تعرف تعبد ربنا كويس
وافتكرك إنك في (إعتكاف) وليس (إعتلاف) ، أنت
مش جاي عشان تاكل وتشرب ، أنت جاي تصلح
قلبك وحالك مع الله .. كن سمحاً بشوش الوجه وقل
من الكلام ...

إعتكافك .. أغلي من حيالك



العناية المُركزة (الاعتكاف)

« حبيب قلبي لازم تحرص على الاعتكاف ؛
« الاعتكاف هو المدرسة اللي خرجت التائبين
والملتزمين والدعاة ..

ليه عائزك تعتكف ؟؟!!

« لو عائز صحبة صالحة تأخذ بإيدك لطريق ربنا
« لو عائز جو إيماني وراحة نفسيه
« لو عائز تبعد عن الذنوب والمعاصي
« لو عائز تطلق الدنيا وتحب الآخرة
« لو عائز تعيش أجمل أيام حياتك
كان رسول الله ﷺ يعتكف العشر الأواخر في
رمضان " رواة البخارى وسلم

« أوعي أى حاجة تعطلك عن الإعتكاف

أو إنك تتكاسل عنه .. إحدري!!

« خذ بالك : إن العشر الأواخر من رمضان فيهم
ليلة غالية جداً .. ليلة مغفرة ورحمات وفتوحات



وقتك حيالك

« الثانية في رمضان غالية جداً .. عائز أقولك إن
اليوم ٢٤ ساعة .. صغير جداً .. مفيش وقت عشان
نضيّعه .. يعنى مفيش وقت للفيش بوك والشات والنّت
.. فضلاً عن التلفزيون والمسلسلات

عارف يعنى إيه مُسلسل :

« يعنى ٣٠ يوم متكتف و متسلسل ..
« يعنى ٣٠ ساعة أو أكثر ضاعت من عُمرك
وعمرك يا أختي كان ممكن تستغلهم فى طاعات
تكون سبب دخولك الجنة ..
« يعني ٣٠ يوم كل يوم تأخذ فيهم سيئات بنظرك
للنساء فقط .. ولا المسلسلات مفيهاش نساء !!! ..
« وأنتي يا أختي ربنا أمرك بغض البصر .. وطبعاً
المسلسلات دلوقتي (أنتو عارفين) ..
« الواحد بيبستعجب ممكن لو أنت عليك إمتحان تاني
يوم مش بتفكر تفتح التلفزيون أصلاً ..

العُمر غالي .. أوعي نضيّعه في غير طاعة



رمضان غير فيك إيه؟؟

- ❖ ده السؤال اللي أنا عايز أسأله ليك بعد ٣٠ يوم صيام و ٣٠ يوم قيام و ٣٠ يوم قراءة قرآن ..
- ❖ يا تري أنت فعلاً أتغيرت؟؟ يا تري أنت خدت قرار إنك مش هتسيب طريق ربنا؟؟ يا تري أخبار علاقتك بالقرآن إيه؟؟
- ❖ أنت الكتيب ده اللي أنت قريته غير فيك إيه؟؟

لكل بنت مسلمة

- ❖ لحد إمتي هيفضل ليسك زي ما هو؟؟
- ❖ لحد إمتي هتفضلتي تضحكي علي نفسك إنك محجة؟؟

عايز أسأله ..

- ❖ هل البنطلون يعتبر حجاب تقديري تقابلي بيه النبي ﷺ؟؟
- ❖ المشكلة اللي بتخلي ناس كتير لما يعرفوا إن الحاجة الفلانية حرام ومعصية ويبستموا علي فعلها هي إن درجة علاقتهم بالله ضعيفييفة ومعدل الإيمان



الخطوط الحمراء بعد رمضان

- ❖ أخي .. أختي .. أصعب لحظة جت ولكنها لحظة أخذ الأجر ... وهي " إنتهاء رمضان "
- ❖ عشان كده لازم تاخذ وصفة سريعة للثبات علي الطاعة بعد رمضان
- ❖ **الصحبة والجو الإيماني :** أوعي عينك تبعد عن الصحبة الصالحة اللي دايماً بتذكرك بالله .. لأن صحبة السوء هتضيع كل اللي أنت بنيتة في رمضان
- ❖ **الصلوات الخمس :** تحرص علي صلاة الجماعة في المسجد صف أول
- ❖ **القرآن :** يكون ليك مقدار يومي لا تقل عنه أبداً مهما حصل .. ده غير إنك تكثر من سماعه ليل نهار
- ❖ **قيام الليل :** ده روحك .. أوعي حاجة تعطلك عنه مهما حصل .. هو ده الوقود اللي هتمشي بيه كل يوم
- ❖ **سماع درس يومي :** ولو ربع ساعة لتجديد الشحن الإيماني في القلب ..
- ❖ **استغلال مواقع النت والفيس بوك :** في نشر الخير والدعوة وتبصير الناس بدينهم ..



ضعيف فمش قادر ياخذ قرار ويبقعد بيبر لنفسه الحاجة

اللي هو بيعملها

- ❖ أنت ٣٠ يوم عبادة .. لسه محستش بطعم القرب من ربنا؟؟!!
- ❖ لسه ناوي تمشي علي سطر وتسبب سطر؟؟
- ❖ هتقدر .. هتقدري تلغيتوا
- ❖ أوعي تفكر ترجع للمعاصي تاني !!
- ❖ رمضان ده بإذن الله لازم يكون بداية الإنطلاق إلي الله .. يا أختي هتقدري تتغيري .. والبنت اللي للبت حجاب شرعي سليم (لا يصف ولا يشف وما بيجمش جسمك و ساتر و غير ملفت) عايشة في نفس البيئة زيك ونفس البناتيل آخر موديل حواليتها ونفس التنافس علي معصية ربنا حواليتها ولكنها
- ❖ إختارت ربنا .. إختارت طريق السعادة الحقيقي
- ❖ كوني زي بنات كتبيير بدان في طريق السعادة ، وانتي هتقدري .. وربك اللي أعانك علي الصيام والقيام هيعينك إنك تغيري حياتك عشان تبقي صح



وفي الختام

- ❖ أوعي حاجة تعطلك عن ربنا .. حتي لا تخسر حياتك ونفسك
- ❖ خد قرار حاسم إنك تترك المعاصي اللي كانت بالنسبة لك عادي .. لأن اللي بيحب ربه بيستعظم ذنبه
- ❖ أفكر الجنة والصالحين تعبوا عشانها قد إيه !!
- ❖ أوعي تبيع الجنة عشان دنيا ولا تسوي ..
- ❖ أفعل قلبك
- ❖ لو في أي مشكلة ونفسك في حد ياخذ بإيدك لطريق ربنا .. أو أي إستفسار .. اتصل علي :
- ❖ أو من خلال صفحتي علي الفيس بوك :
- ❖ www.facebook.com/dr.elagouz

